



**Tractatus Juridicus Ad Librum III. Decretalium Gregorii IX.  
Clericorum in communi, nec non Prælatorum, ac  
Capitulorum in specie obligationes, & jura complectens**

**Scharz, Oddo**

**Salisburgi, 1738**

§. II. Quis Coadjutorem dare, & qui Coadjutores constitui possint?

---

[urn:nbn:de:hbz:466:1-63800](https://nbn-resolving.de/urn:nbn:de:hbz:466:1-63800)

tis, quod sit ille, qui *authoritate juris, vel judicis constituitur ad administrandum officium, Prælati, seu ministri Ecclesiæ morbo, vel alias impediti.*

2 Ex qua descriptione duo colliges.

I. Quod Coadjutor, cum tantum coadijuvet rectorem principalem, ejusque defectum in administratione sui officii suppleat, propriè Prælatum, & Rectorem Ecclesiæ dici non posse, eo, quod ipse curam animarum quoad exercitium duntaxat habeat, manente interim jure, possessione, & titulo beneficii penes Rectorem principalem. P. Reiffenstuel cum aliis hic num. 23. & seq.

3 II. Administrationem à Coadjutore in hoc differre, quod ille à Sede Apostolica ad administrandum tam in spiritualibus, quam temporalibus quandóque detur Episcopis, à sua Ecclesia ex legitima causa absentibus, aut personis Principibus ante legitimam etatem ad Episcopatus authoritate Apostolica dispensativè promotis. arg. cap. 42. de Elect. in 6. Hic autem, scilicet Coadjutor, detur Episcopis, aut aliis Prælatis de se quidem ad regendam Ecclesiæ aptis, in præsens autem ob con-

tractum ex morbo, vel senio impedimentum perpetuum ad exercendum, & exequendum munus suum & officium haud amplius idoneis. Reiffenstuel b.t. num. 25.

Coadjutor alius est *temporalis, alias perpetuus.* Ille dicitur, qui ad tempus vitæ principalis Ecclesiæ Rectoris, vel durantis impedimenti constituitur, & semper revocari potest. Ita vero, qui cum jure successionis in beneficio & officio demortui coadjuti datur, de quo inferius.

Quæres: quomodo *Coadjutoria* § perpetua differat ab *expectativa?* Resp. In tribus præcipue I. quod expectativa ad nullum determinatum beneficium, benè vero Coadjutoria detur. II. Expectativa non confert, sed tantum promittit beneficium, confert autem Coadjutoria. Nam vacante beneficio, cui quis Coadjutor est datus, non indiget nova collatione, sed nova duntaxat immisione in possessionem beneficii. III. In expectativa expectantis commodum, in coadjutoria non coadjuti principaliiter commodum, sed ipsius Ecclesiæ bonum intenditur.

## §. II.

*Quis Coadjutorem dare, & qui Coadjutores constitui possint?*

### S U M M A R I A.

6. Coadjutorem regulariter dat ille, qui respectu coadjuti est superior. 7. In quibus casibus Capitulum Episcopo Coadjutorem dare possit, exponitur. 8. Parochis Episcopus Coadjutorem dat, & si beneficium fuerit Patronatum, consensum patroni adhibet. 9. Coadjutor debet iisdem qualitatibus esse prædictus, quæ requiruntur in coadjuto.

Coad-



6 Coadjutor regulariter, & in genere loquendo datur ab illo superiore, cuius est cognoscere defectum, vel impedimento coadjuvi, & propterea, licet collatio Beneficii jure Patronatus, aut ex speciali Privilegio ad inferiorem Episcopo pertineret, ad eum tamen facultas dandi Coadjutorem non spectaret, sed ad Episcopum, tanquam Ordinarium, & immediatum superiorem illius, qui Coadjutore indiget. Ubi tamen observanda est distinctio inter coadiuvandos, an sint Episcopi, & illis Superiores, num vero Abbates, aut alii Beneficiati inferiores. Prælatis Majoribus Coadjutorem regulariter tantum dat S. Pontifex, maximè, si fiat cum spe future successionis, quia ejusmodi coadjutoria ad instar translationis Episcoporum est una ex causis majoribus. cap. un. b. t. in 6. quæ S. Pontifici sunt reservatae cap. 3. de Baptism. Parif. de Resign. Benefic. lib. 6. quest. 5. num. 15. Barbol. J. E. V. lib. 3. cap. 10. num. 33. Cabassat. Jur. Canon. Theor. & Prax. lib. 1. cap. 16. num. 4. Dixi regulariter, nam in cap. un. b. t. in 6. ex speciali gratia conceditur, ut Episcopus morbo, vel alias legitimè impeditus, mentis tamen compos, possit de Capituli sui, vel majoris partis consilio, & assensu, unum, vel duos Coadjutores auctoritate Apostolica sibi assumere. Quod idè concessum est, nè Ecclesiæ (presertim existentes in remotis) dispensum patientur, si Coadjutor primam à S. Pontifice postulandus, & expectandus foret. Vivian. ad cit. cap. Si vero Episcopus mentis impos foret, tunc idipsum, & eadem auctoritate Apostolica possit Capitulum, aut duæ ejusdem partes concordantes. Quod si

debetum Episcopus usu rationis polleat, & impedimento quidem perpetuo laborans Coadjutorem assumere nolit, tunc Capitulum eidem, tametsi irrationaliter invito, Coadjutorem quidem dare non poterit, eò quod inferior in superiore imperium nullum habeat. cap. 16. de M. & O. debet tamen statum suæ Ecclesiæ præsentem ad Sedis Apostolicae notitiam quantocuyus referre, ac, quod super hac re à S. Sede ordinari contigerit, humiliiter, & promptè adimplere. Vid. Passerinus & Vivian. ad cit. cap. Abbatibus verò, Parochis, aliisque Rectoribus, quibus animarum cura incumbit, de Coadjutore prospicere ad Officium, & munus Episcoporum spectat. Cabassat. Jur. Can. Theor. & Praxi lib. 1. cap. 16. n. 5. Et si quidem Beneficium fuerit Patronatum, sicut illud Episcopus sine consensu Patroni conferre non potest, ita nec talis beneficij Rectori sine Patroni consensu Coadjutorem dare potest, ut ex Lamberti. de J. P. lib. 2. part. 1. q. 6. princip. art. 2. n. 1. notat Gonzalez ad Regul. Cancell. 8. Gloss. 5. §. 9. num. 18. Spes tamen successionis ejusmodi Coadjutoribus ab Ordinario neutiquam indulgeri potest cap. 2. 3. & ult. de Concess. Præbend. Cabassat. d. lib. 1. cap. 13. num. 23.

Ut quis in Coadjutorem assumi valeat, iisdem omnino qualitatibus quæ desiderantur in Principali, prædictus sit, oportet. Concil. Trid. Sess. 25. de Reform. cap. 7. unde, sicut v.g. in Episcopo requiritur ætas 30. annorum, ita in Coadjutore æqualis ætas desideratur, & sic in aliis. Ratio est, quod Coadjutor assumatur, ut Principalis defectum suppleat; ergo ipsem simili defectu

laborare non debet. Paris. de resign. Benefic. l. 7. quest. 20. num. 15. § seqq. Pignatell. tom. 4. consult. 13. num. 4. Hodie, tamen aliud observari videmus in Coadjutoribus perpetuis, & cum spe futuræ successionis datis, qui, ut advertit Gonzalez ad cap. fn. b. t. non sunt, quod significant, nec Pastorem fessum, aut senem sublevant, sed potius ipsi sublevare necesse habent, siquidem non modo Prælatis jam decrepitis, sed vegetis adhuc juvenes subinde, ministerii sacri planè rudes, propter bonum familiæ in Coadjutores dantur, qui ipsimet, ut ex Gambaro Tit. de Coadjutor. n. 13. notat Hieronym. Gonzalez

ad d. Reg. Cancell. n. 40. nedum Coadjutore, sed Pædagogo indigerent, ita, ut vix non speciem successionis in Ecclesia DEI referat. Animi sui sensa etiam hac super re candide aperit Fagnan. ad cap. 2. de Concess. Præbend. num. 75. § 2. seqq. quem consulisse non pigebit.

Quoad numerum Coadjutorum dicendum, quod regulariter unus tantum assumi valeat, ex ratione, nè Ecclesiæ nimium graventur, quarum redditus pluribus alendis fortè non sufficient. Possunt tamen duo, non verò plures dari, si ita expedire visum fuerit. cap. un. b. t. in 6. & Passer. ibid.

### §. III.

#### *Ex quibus causis Coadjutores dari soleant?*

##### S U M M A R I A.

10. Non solum ex causa ægritudinis, & debilitatis (quæ cause duntaxat in b. t. exprimuntur) sed etiam ex aliis causis, quæ enumerantur, Coadjutor dari potest.
11. Coadjutor perpetuus cum spe successionis à nemine alio præterquam à S. Pontifice dari potest.
12. Qui mox à morte coadjuti sine nova collatione jus in re in Prælatura acquirit.
13. Coadjutorie perpetuae in Germania sunt frequentes, nec in iis forma electionis tam strictè attenditur.

10 **Q**uanquam spectata Rubrica b. tit. non nisi ex duabus causis ægritudinis videlicet, & debilitatis Coadjutor temporalis dari posse videatur, complures tamen causæ aliae à Parisio de resign. Benefic. lib. 7. q. 20. & Barbos. J. E. V. lib. 3. cap. 10. a n. 5. ad 20. recensentur. Sic datur Coadjutor Prælato de dilapidatione suspecto cap. 37. de Offic. delegat. Item Parochis illiteratis, & imperitis, modo alias honestæ vitae sint, conformiter Trident. Sess. 21. de Reform. cap. 6. Sbrozza de

Offic. Vicar. lib. 5. quest. 212. qui tamen ex eo, quod Coadjutorem accepterint, ab obligatione residendi in sua Parochia neutiquam liberabuntur, nè alias melioris conditionis illiterati præ literatis existant. Barbos. cit. l. num. 29. In senibus, quanquam, ut tales dicantur, ætas 60. annorum juxta Pignatellum cit. consil. n. 2. sufficiat, non tamen, ut Coadjutores iisdem adjungantur, hæc ætas sufficit, nisi simul tanta virtutum debilitas accedat, quæ Rectorem ad exequendum officium suum imponent.